

Mukaana wu mitere wu a DZÃ OSOMO

Wu me mukaana wu mitere wu ósono Dzã. Nde ásono nde kundaa mukriste wu a nkwumu a Ngayuse.

Dzã áli ágweghe baara mu bitsulu bi nsie bini, mu oyiluo mandagha ma Nzaami kundaa ba baakasa kana mu Yiisu. Lo ña bákayito bo mu bvulu li óli Ngayuse lilo, baghala mumõ wu a nkwumu a Dyoterefe, álighi bandughu mu kana baba bvulu lilo ti banyaã ogyagha bo mu manzo ma bo. Ya bakeretyẽ babo ba bákíhi ogyagha baara ba ógweghe Dzã mu manzo ma bo, nde ámaha bo mu libwunu li Nzaami. Me mu obo Dzã ásono mukaana kundaa Ngayuse, mu olyele nde akasa mukama, mu okagyagha bubwe ba baakagya mu oluo Nsia Yi Mbwe.

Mukaana wu baakaba nde mu manzili mana:

- 1) Mboro (1-2).
- 2) Ngayuse ya ba baagweghe mu oyisa esala e Nzaami (3-8).
- 3) Dyoterefe ya Demeteryose (9-12).
- 4) Mamboro mama masini (13-15).

Mamboro

¹ Wu me mukwuru ndi mu osono mukaana wu, kundaa we Ngayuse ndughu a me wu mukolo, wu aakandzyi me mu enganma.

² Ndughu a me wu mukolo, me nzyi ti mandagha ma we mwohonono makala ma mabwe,

ya nyuru a we yikala mu bunsili ti bu li we bunsili mu mufulu.

Ngayuse ya baagweghe mu oyisa esala e Nzaami

³ Me aamono esee ki elagha, mu kuulu matala mwohono ma ookagya bandughu mu kana kunu bo baakasuo bumpughulu mu enganma ki eekamonono mu bumweẽ bu we, ya bu aakadz-yara we kunsu otsyeme ku enganma.

⁴ Esee e me ki ebvulu olagha, me mu ogyughu ti, baana ba me bali mu okadzyara kunsu enganma.

⁵ Ndughu a me wu mukolo, we li mu okasala bwunu a bu ookatumu kana mu mandagha mwohono ma aakasa we mu bandughu mu kana, ngu okala mu banzyi.

⁶ Na nkulu a libwunu, bo baasuo bumpughulu bu dzyi li we. Kala ti we baha bo mu bilogho bi bali a bo nzala a bye mu midzie mi bo mimi esala, we sa sa bubwe, ti bwunu a bu ofaana kundaa Nzaami.

⁷ Mu kuulu, me mu nkooro a Nkwumu a Kriste, bo baagyene gwene obagha elogho, ki eefi na myaã mi babo ba bagwene osoolo Nzaami.

⁸ Mu obo, bihi-a-be lifaana okagyagha baara baba obo, mu kuulu lisala emõ ya bo, mu esala kii otsala nsia yi a enganma.

Dyoterefe ya Demeteryose

⁹ Me aansono mukaana wu mupfi kundaa libwunu. Lo Dyoterefe, wu dzyi okakala mpfumu a babake, ka aakakihi mi liikalyele bihi o.

¹⁰ Mu obo, na akala aangya me, me sa nsuo mandagha mamu mwohono ma aakasa nde,

mandagha ma mabi ya mama mpya, ma aakabili nde mu manyuru ma bihi. Ya ŋa yulu oŋo, nde aakabihi ogyagha bandughu mu kana. Ya babo ba baakadzyi ogyagha bo, nde aakakahaba bo ti banyaã ogyagha babo, ya aakabyi bo mu libwunu.

¹¹ Ndughu a me wu mukolo, ka nama efaana ki ebi o, lo nama efaana ki ebwe. Munde wu aakasa bubwe li wu a Nzaami, lo munde wu aakasa bubi, ka amono Nzaami o.

¹² Baara bwohono bali mu osuo bumpughulu bu bubwe mu Demeteryose, ya enganma kyeme eli mu osuo bumpughulu bu nde. Lo bihi si lili mu osuo bumpughulu mu nde, ya we soolo ti bumpughulu bu bihi buli bubu nganma.

Mamboro mama masini

¹³ Me ndi a mandagha malagha makimi mama olyele we, lo me ka nzyi osono we mo mu mukaana o.

¹⁴ Mu kuulu me ndi a kana ti me sa mono we mu bitsughu bibi nkulu, ya me meme sa mbili ya be. Me ndi a kana lili ofirimonono we mu bitsughu bibi nkulu, ya me meme sa mbili ya we.

¹⁵ Nyaã edzuunu ekala ya we! Bandughu bagwi we mboro. Wehe si gwa mumõ-mumõ mu bandughu mboro.

Teke Sud-Ouest

Teke-Tyee: Teke Sud-Ouest (New Testament)

copyright © 2024 Wycliffe Bible Translators, Inc.

Language: (Teke-Tyee)

Contributor: Wycliffe USA

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 9 Jul 2025 from source files dated 9 Jul 2025

6f558581-83f7-55dd-acef-3d682f6a705d